

DIE XXVI. DECEMBRIS.

S. Stephani Protomart. Duplex ij. classis.

AD MATUTINUM.

Invitat. Christum natum, qui beatum hodie coronavit Stephanum, * Venite adoramus. **Ps.** Venite. 2.

Hymnus, Añæ, Psalmi et V. Nocturn. dic. de Comuni unius Mart. [30]

In I. Nocturno.

De Actibus Apostolorum.

Lectio j. Cap. vj

IN diebus illis, crescente numero discipulorum, factum est murmur Græcorum adversus Hebræos, eo quod despicerentur in ministerio quotidiano viduæ eorum. Convocantes autem duodecim multitudinem discipulorum, dixerunt: Non est æquum nos derelinquere verbum Dei, et ministrare mensis. Considerate ergo fratres, viros ex vobis boni testimonii septem, plenos Spiritu sancto et sapientia, quos constituamus super hoc opus. Nos vero orationi, et ministerio verbi instantes erimus.

R. Stephanus autem plenus gratia et fortitudine,



* Faciebat prodigia et signa magna in populo. **V.** Surrexerunt quidam de synagoga disputantes cum Stephano, et non poterant resistere sapientiae, et Spiritui, qui loquebatur. — Faciebat.

Lectio ij.

ET placuit sermo coram omni multitudine. Et elegerunt Stephanum, virum plenum fide et Spiritu sancto, et Philippum, et Prochorum, et Nicanorem, et Timonem, et Par-

menam, et Nicolaum advenam Antiochenum. Hos statuerunt ante conspectum Apostolorum: et orantes imposuerunt eis manus. Et verbum Domini crescebat, et multiplicabatur numerus discipulorum in Jerusalem valde: multa etiam turba sacerdotum obediabat fidei. Stephanus autem plenus gratia, et fortitudine faciebat prodigia et signa magna in populo.

R. Videbant omnes Stephanum, qui erant in concilio: * Et intuebantur vultum ejus tamquam vultum Angeli stantis inter illos. **V.** Plenus gratia, et fortitudine faciebat prodigia et signa magna in populo. — Et intuebantur.

Lectio iij.

Surrexerunt autem quidam de synagoga, quæ appellatur Libertinorum, et Cyrenensium, et Alexandrinorum, et eorum qui erant a Cilicia, et Asia, disputantes cum Stephano: et non poterant resistere sapientiae, et Spiritui, qui loquebatur. Tunc commiserunt viros, qui dicerent se audivisse eum dicentem verba blasphemiae in Moysen, et in Deum.

Commoverunt itaque plebem, et seniores, et Scribas: et concurrentes rapuerunt eum, et adduxerunt in concilium, et statuerunt falsos testes, qui dicerent: Homo iste non cessat loqui verba adversus locum sanctum, et legem.

R. Intuens in cælum beatus Stephanus, vidit gloriam Dei, et ait: * Ecce video cælos apertos, et Filium hominis stantem a dextris virtutis Dei. **V.** Cum autem esset Stephanus plenus Spiritu sancto, intendens in cælum vidit gloriam Dei, et ait. — Ecce. Gloria. Ecce.

In II. Nocturno.

Sermo sancti Fulgentii Episcopi. **Serm. de S. Stephano, circa initium.**

Lectio iv.

Eri celebravimus temporalem sempiterni Regis nostri natalem: hodie celebramus triumphalem militis passionem. Heri enim Rex noster trabea carnis indutus, de aula uteri virginalis egradiens, visitare dignatus est mundum: hodie miles de tabernaculo corporis exiens, triumphator migravit ad cælum. Ille

sempiternæ Deitatis majestate servata, servile cinctorium carnis assumens, in hujus sæculi campum pugnatūrus intravit: iste depositis corruptibilibus corporis indumentis, ad cœli palatium perenniter regnatūrus ascendit. Ille descendit carne velatus, iste ascendit sanguine laureatus.

R. Lapidabant Stéphanum invocantem et dicentem: * Dómine Jesu Christe, accipe spíritum meum: et ne státuas illis hoc peccatum. **V.** Pósisis autem génibus clamávit voce magna, dicens. — Dómine.

Lectio v.

Ascendit iste lapidantibus Judæis, quia ille descendit lætantibus Angelis. Glória in excelsis Deo, heri sancti Angeli exsultantes cantaverunt: hódie Stéphanum lætantes in suum consórtium suscepérunt. Heri Dóminus exivit de útero Virginis: hódie miles egressus est de ergástulo carnis. Heri Christus pro nobis pannis est involutus: hódie Stéphanus stola est ab eo immortalitatis indutus. Heri præsepis angústia Christum portávit infántem:

hódie imménsitas cœli suscepit Stéphanum triumphántem. Solus Dóminus descendit, ut multos eleváret: humiliávit se Rex noster, ut suos milites exaltáret.

R. Impetum fecérunt unánimiter in eum, et eiecérunt eum extra civitatem, invocantem et dicentem: * Dómine Jesu, accipe spíritum meum. **V.** Et testes deposuerunt vestiménta sua secus pedes adolescentis, qui vocabátur Saulus: et lapidabant Stéphanum invocantem et dicentem. — Dómine.

Lectio vij.

Necessarium tamen in nobis est, fratres, agnoscere, quibus armis præcinctus Stéphanus sævitiam Judæórum pótuit superáre, ut ita meruisset feliciter triumpháre. Stéphanus ergo, ut nóminis sui corónam meruisset accipere, caritatem pro armis habébat, et per ipsam ubique vincébat. Per caritatem Dei, sæviéntibus Judæis non cessit: per caritatem próximi pro lapidantibus intercésit. Per caritatem arguérunt errántes, ut corrigerentur:

per caritatem pro lapidantibus orábat, ne punirentur. Caritatis virtute subnixus, vicit Saulum crudéliter sæviéntem: et quem hábuit in terra persecutórem, in cœlo méruit habére consórtem.

R. Impii super justum jacturam fecérunt, ut eum morti tráderent: * At ille gaudens suscepit lápides, ut mereretur accipere corónam glóriæ. **V.** Continuérent aures suas, et impetum fecérunt unánimiter in eum. — At ille. Glória. At ille.

In III. Nocturno.

Lectio sancti Evangélii secundum Matthæum.

Lectio vij. Cap. xxij. d

In illo tēpore: Dicitur Jesus Scribis et Pharisæis: Ecce ego mitto ad vos Prophetas, et sapientes, et Scribas: et ex illis occidētis, et crucifigētis. Et reliqua.

Homilia sancti Hierónymi Presbyteri. **Lib. 4. Comm. in cap. xxij. Matthæi.**



MOC quod ántea dixerámus: Impléte mensúram patrum vestrórum; ad personam Dómini pertinere, eo quod occidéndus esset ab eis: potest et ad disci-

pulos ejus reférrí, de quibus nunc dicit: Ecce ego mitto ad vos Prophetas, et sapientes, et Scribas. Simúlque obsérva, juxta Apóstolum scribentem ad Corínthios, vária esse dona discipulórum Christi: álios Prophetas, qui ventúra prædicent: álios sapientes, qui novérunt quando débeant proférre sermónem: álios Scribas in lege doctíssimos, ex quibus lapidátus est Stéphanus, Paulus occisus, crucifixus Petrus, flagelláti in Actibus Apostolórum discipuli.

R. Stéphanus servus Dei, quem lapidábant Judæi, vidit cœlos apertos: vidit et introívit: * Beátus homo, cui cœli patébant. **V.** Cum ígitur saxórum crepitántium túrbine quarterétur, inter æthéreos aulæ cœlestis sinus divína ei cláritas fulsit. — Beátus.

Lectio viij.

Quærimus, quis iste sit Zachariás filius Barachíæ: quia multos légimus Zachariás. Et ne líbera nobis tribuerétur erroris facultas, ádditum est: Quem occidistis inter templum et altáre. In divérsis divérsa legi: et

débeo singulórum opinió-
nes pónere. Alii Zacha-
ríam filium Barachíæ di-
cunt, qui in duódecim
Prophétis undécimus est :
patrisque in eo nomen
conséntit; sed ubi occísus
sit inter templum et altáre,
Scriptúra non lóquitur :
máxime cum tempóribus
ejus vix ruínæ templi fú-
erint. Alii Zachariám pa-
trem Joánnis intélligi vo-
lunt, ex quibúsdam apo-
cryphórum sómniis appro-
bántes, quod proptérea
occísus sit, quia Salva-
tóris prædicáverit adven-
tum.

✠ Patefactæ sunt jánuæ
cœli Christi Mártiri beáto
Stéphano, qui in número
Mártiurum invéntus est
primus : * Et ideo triúm-
phat in cœlis coronátus.
✠ Mortem enim, quam
Salvátor noster dignátus
est pro nobis pati, hanc
ille primus réddidit Salva-
tóri. — Et ideo. Glória
Patri. Et ideo.

Lectio jr.

Alii istum volunt esse
Zachariám, qui oc-
císus est a Joas rege Judæ
inter templum et altáre,
sicut Regum narrat histó-
ria. Sed observándum,
quod ille Zachariás non

sit filius Barachíæ, sed
filius Joíadæ sacerdotis :
unde et Scriptúra
refert : Non fuit recordá-
tus Joas patris ejus Joíadæ,
quia sibi fecisset bona.
Cum ergo et Zachariám
teneámus, et occisiónis
conséntiat locus : quæri-
mus, quare Barachíæ di-
cátur filius, et non Joíadæ?
Barachía lingua nostra
benedictus Dómini dicitur,
et sacerdotis Joíadæ justi-
tia Hebræo nómine de-
monstrátur. In Evangélio,
quo utúntur Nazaréni, pro
filio Barachíæ, filium
Joíadæ reperimus scri-
ptum. Te Deum. 20.

AD LAUDES,

et per Horas, Añæ.

1. Lapidavérunt Stéphá-
num, * et ipse invocábat
Dóminum, dicens : Ne stá-
tuas illis hoc peccátum.

2. Lápidés torréntis * illi
dulces fuérunt : ipsum se-
quúntur omnes ánimæ ju-
stæ.

3. Adhæsít ánima mea *
post te, quia caro mea
lapidáta est pro te, Deus
meus.

4. Stéphanus vidit cœlos
apértos, vidit et introívit :
beátus homo, cui cœli pa-
tébant.

5. Ecce vídeo * cœlos
apértos, et Jesum stantem
a dextris virtútis Dei.

Capitulum. Act. vj. b
STéphanus autem ple-
nus grátia et fortitú-
dine, faciébat prodígia et
signa magna in pópulo.

Hymnus.

Invicte Martyr, únicum
Patris secútus Fílium,
Victis triúmphans hósti-
bus,

Victor fruens cœlestibus.
Tui precátus múnere
Nostrum reátum dílué,
Arcens mali contágium,
Vitæ repéllens tædium.

Solúta sunt jam víncula
Tui sacráti córporis :
Nos solve vinclis sæculi,
Dono supérni Núminis.

Jesu, tibi sit glória,
Qui natus es de Vírgine,
Cum Patre, et almo Spiritu,
In sempitérna sæcula.

Amen.

✠ Sepeliérunt Stéphá-
num viri timoráti. ✠. Et
fecerunt planctum ma-
gnum super eum.

Ad Bened. Añæ. Stéphá-
nus autem plenus grátia
et fortitúdine, faciébat
signa magna in pópulo.

Oratio.

DA nobis, quæsumus
Dómine, imitári
quod cólimus, ut discá-

mus et inimicos diligere :
quia ejus natalitia cele-
brámus, qui novit étiam
pro persecutóribus exorá-
re Dóminum nostrum
Jesum Christum Fílium
tuum. Qui tecum vivit.

Deinde fit *Commem. de
Nativitate, Añæ.* Glória
in excélsis Deo, et in terra
pax hominibus bonæ vo-
luntátis, allelúia, allelúia.
✠. Notum fecit Dómi-
nus, allelúia. ✠. Salutáre
suum, allelúia.

Oratio.

Concède quæsumus
omnípotens Deus, ut
nos Unigéniti tui nova
per carnem natívitas líbe-
ret : quos sub peccáti jugo
vetústa sérvitus tenet. Per
eúmdem Dóminum.

AD TERTIAM.

Capit. Stéphanus. supra.
✠. br. Glória et honóre,
* Coronásti eum Dómine.
Glória. ✠. Et constituísti
eum super ópera mánuum
tuárum. Coronásti. Glória
Patri. Glória et honóre.

✠. Posuísti Dómine su-
per caput ejus. ✠. Corónam
de lápide pretiósó.

AD SEXTAM.

Capitulum. Act. vj. c
Surrexérunt autem
quidam de synagó-
ga, quæ appellátur Liber-

tinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphano : et non póterant resistere sapiéntiæ, et Spirítui qui loquebátur.

R. br. Posuisti Dómine, * Super caput ejus. Posuisti. **V.** Coronam de lápide pretiósó. Super. Glória Patri. Posuisti.

V. Magna est glória ejus in salutári tuo. **R.** Glóriam et magnum decórem impónes super eum.

AD NONAM.

Capitulum. Act. vij. g

Positis autem génibus, clamávit voce magna, dicens : Dómine ne státuas illis hoc peccátum : et cum hoc dixisset, obdormívit in Dómino.

R. br. Magna est glória ejus, * In salutári tuo. Magna est. **V.** Glóriam et magnum decórem impónes super eum. In salutári. Glória Patri. Magna.

V. Justus ut palma florébit. **R.** Sicut cedrus Líbani multiplicábitur.

AD VESPERAS.

Añæ et Psalmi de Nativitate. 269.

Et dicuntur etiam in aliis Festis infra hanc Octavam occurrentibus.

Capitulum. Act. vj. b

Stéphanus autem plenus grátia et fortitúdine, faciébat prodigia et signa magna in pópulo.

Hymnus.

Deus tuórum militum Sors, et coróna, præmíum,

Laudes canéntes Mártiris Absólve nexu críminis.

Hic nempe mundi gáudia, Et blanda fraudum pábula Imbúta felle députans Pervénit ad cœlestia.

Pœnas cucúrrit fórtiter, Et sústulit viríliter, Fundénsque pro te sanguinem

Ætérna dona póssidet.

Ob hoc precátu súplici Te póscimus piíssime : In hoc triúmpho Mártiris Dimítte noxam sérvulis.

Jesu, tibi sit glória, Qui natus es de Vírgine, Cum Patre, et almo Spirítu,

In sempitérna sæcula.

Amen.

V. Stéphanus vidit cœlos apértos. **R.** Vidit et introívit : beátus homo, cui cœli patébant.

Ad Magnif. Añæ. Sepe liérunt Stéphanum viri timoráti, et fecérunt planctum magnum super eum.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum. Qui tecum vivit.

Deinde pro S. Joanne. **Añæ.** Iste est Joánnes, qui supra pectus Dómini in cœna recúbuit : beátus Apóstolus, cui reveláta sunt secréta cœlestia.

V. Valde honorándus est beátus Joánnes. **R.** Qui supra pectus Dómini in cœna recúbuit.

Oratio.

Ecclésiám tuam Dómine benignus illústra : ut beáti Joánnis Apóstoli

tui et Evangelistæ illumináta doctrinis, ad dona pervéniat sempitérna.

Postea fit Commemoratio de Nativitate, Añæ. Hódie Christus natus est : hódie Salvátor apparúit : hódie in terra canunt Angeli, lætántur Archángeli : hódie exsúltant justí dicéntes : Glória in excélsis Deo, allelúia.

V. Notum fecit Dóminus, allelúia. **R.** Salutáre suum, allelúia.

Oratio.

Concède quæsumus omnipotens Deus, ut nos Unigéniti tui nova per carnem nativitas liberet : quos sub peccáti jugo vetústa sérvitus tenet. Per eúmdem Dóminum nostrum Jesum Christum Filium tuum.



DIE XXVII. DECEMBRIS.

S. Joannis Apostoli et Evangelistae.

Duplex ij. classis.

AD MATUTINUM.

Invitat. Hymnus, Añæ,
Psalmi, et *℣*. Nocturn.
de Communi Apost. [5]

In I. Nocturno.

Incipit Epístola prima
beáti Joánnis Apóstoli.

Lectio j. Cap. j.

Quod fuit ab initio,
quod audívimus,
quod vídimus ócu-
lis nostris, quod perspé-
ximus, et manus nostræ
contrectavérunt de verbo
vitæ: et vita manifestáta
est, et vídimus, et testá-
mur, et annuntiámus vo-
bis vitam ætérnam, quæ
erat apud Patrem, et ap-
páruit nobis: quod vídi-
mus et audívimus, annun-
tiámus vobis, ut et vos
societátem habeátis no-
biscum, et societas nostra
sit cum Patre, et cum Fí-
lio ejus Jesu Christo. Et hæc
scribimus vobis, ut gau-
deátis, et gáudium ve-
strum sit plenum. Et hæc
annuntiátió, quam audi-
vimus ab eo, et annuntiá-
mus vobis: Quóniam Deus
lux est, et ténébræ in eo
non sunt ullæ.



℟. Valde honorándus est
beátus Joánnes, qui supra
pectus Dómini in cœna
recúbuit: * Cui Christus
in cruce matrem vírgi-
nem vírgini commendá-
vit. *℣*. Virgo est eléctus a
Dómino, atque inter céte-
ros magis diléctus. — Cui
Christus.

Lectio ij.

SI dixérimus quóniam
societátem habémus
cum eo, et in ténébris am-
bulámus, mentímur, et ve-
ritátem non fácimus. Si

autem in luce ambulámus,
sicut et ipse est in luce;
societátem habémus ad
ínvicem, et sanguis Jesu
Christi Fílii ejus emúndat
nos ab omni peccáto. Si
dixérimus quóniam pec-
cátum non habémus, ipsi
nos sedúcimus, et véritas
in nobis non est. Si confi-
teámur peccáta nostra: fi-
délis est, et justus, ut
remíttat nobis peccáta no-
stra, et emúndet nos ab
omni iniquitáte. Si dixéri-
mus quóniam non peccá-
vimus, mendácem fácimus
eum, et verbum ejus non
est in nobis.

℟. Hic est discípulus ille,
qui testimónium pérhibet
de his, et scripsit hæc:
* Et scimus quia verum
est testimónium ejus.
℣. Fluénta Evangélii de
ipso sacro Dominici pé-
ctoris fonte potávit. — Et.

Lectio iij.

Flíoli mei, hæc scri-
bo vobis, ut non pec-
cétis. Sed et si quis pec-
cáverit, advocatúm habé-
mus apud Patrem, Jesum
Christum justum: et ipse
est propitiátió pro peccá-
tis nostris: non pro nostris
autem tantum, sed étiam
pro totíus mundi. Et in hoc
scimus, quóniam cognó-

vimus eum, si mandáta
ejus observémus. Qui dicit
se nosse eum, et mandáta
ejus non custódit, men-
dax est, et in hoc véritas
non est. Qui autem servat
verbum ejus, vere in hoc
cáritas Dei perfectá est.

℟. Hic est beatíssimus
Evangelísta et Apóstolus
Joánnes, * Qui privilégio
amóris præcipui, céteris
áltius a Dómino méruit
honorári. *℣*. Hic est disci-
pulus ille, quem diligébat
Jesus, qui supra pectus
Dómini in cœna recúbuit.
— Qui. Glória Patri. Qui.

In II. Nocturno.

Ex libro sancti Hierónymi
Presbyteri de Scriptóri-
bus ecclesiásticis.

Lectio iv.

Joánes Apóstolus,
quem Jesus amá-
vit plúrimum, fi-
lius Zebedæi, frater Jacóbi
Apóstoli, quem Heródes
post passiónem Dómini
decollávit, novíssimus
ómnium scripsit Evangé-
lium, rogátus ab Asiæ
Episcopis, advérsus Ce-
rinthum, aliósque hæréti-
cos: et máxime tunc
Ebionitárum dogma con-
súrgens, qui ásserunt
Christum ante Mariám
non fuisse: unde et com-

pulsus est divínam ejus
nativitatem edicere.

R. Qui vicerit, faciam
illum columnam in tem-
plo meo, dicit Dóminus :
* Et scribam super eum
nomen meum, et nomen
civitatis novæ Jerúsalem.
V. Vincénti dabo edere
de ligno vitæ, quod est in
paradiso Dei mei. — Et
scribam.

Lectio v.

Quartodécimo igitur
anno, secúndam post
Nerónem persecutióem
movénte Domitiáno, in
Patmos insulam relegá-
tus, scripsit Apocalypsim,
quam interpretátur Justí-
nus Martyr, et Irenæus.
Interfécito autem Domi-
tiáno, et actis ejus ob ni-
miam crudelitatem a se-
nátu rescíssis, sub Nerva
príncipe rédiit Ephesum :
ibique usque ad Trajánum
príncipem perseverans,
totas Asiæ fundávit, rex-
itque Ecclésiás; et con-
fécitus sénio, sexagésimo
octávo post passióem
Dómini anno mórtuus,
juxta eámdem urbem se-
púltus est.

R. Diligébat autem eum
Jesus, quóniam speciális
prærogátiva castitátis,
amplióri dilectiône féce-

rat dignum : * Quia virgo
eléctus ab ipso, virgo in
ævum permánsit. **V.** In
cruce dénique moritúrus,
huic matrem suam virgi-
nem vírgini commendá-
vit. — Quia virgo.

Ex Commentáriisejúsdem
in Epístolam ad Gálatas.

Lectio vi. Lib. 3. cap. vj.

Beatús Joánnes Evan-
gelísta, cum Ephesi
morarétur usque ad últi-
mam senectútem, et vix
inter discipulórum manus
ad Ecclésiám deferrétur,
nec posset in plura vocem
verba contéxere; nihil
áliud per síngulas solébat
proférre collectás, nisi
hoc : Filíoli, dilígite altér-
utrum. Tandem discipuli,
et fratres, qui áderant,
tædio afféciti quod éadem
semper audírent, dixé-
runt : Magíster, quare
semper hoc lóqueris? Qui
respóndit dignam Joánnem
senténtiam : Quia præcé-
ptum Dómini est; et sí
solum fiat, súfficit.

R. In médio Ecclésiæ
aperuit os ejus, * Et im-
plévit eum Dóminus spi-
ritu sapiéntiæ et intellé-
ctus. **V.** Jucunditatem et
exultatióem thesauri-
závit super eum. — Et
Glória Patri. Et.

In III. Nocturno.

Lectio sancti Evangélii
secúndum Joánnem.

Lectio vij. Cap. xxj. d

IN illo tempore : Dixit
Jesus Petro : Séquere
me. Convérsus Petrus, vi-
dit illum discipulum, quem
dilígébat Jesus, sequén-
tem. Et réliqua.

Homília sancti Augustíni
Episcopi. **Tract. cxxiv.**
in Joann. post medium.

Quas vitas sibi divi-
nitus prædicátas,
et commendátas
novit Ecclésiá : quarum
est una in fide, áltera in
spécie : una in tempore
peregrinatiónis, áltera in
æternitate mansiónis :
una in labóre, áltera in
réquie : una in via, áltera
in pátria : una in ópere
actiόνis, áltera in mercéde
contemplatiónis. Una de-
clínat a malo, et facit bo-
num : áltera nullum habet,
a quo declinet malum; et
magnum habet, quo fruá-
tur, bonum. Una cum
hoste pugnat, áltera sine
hoste regnat.

R. In illum diem susci-
piam te servum meum, et
ponam te sicut signácu-
lum in conspéctu meo :
* Quóniam ego elégi te,
dicit Dóminus. **V.** Esto

fidélis usque ad mortem,
et dabo tibi coronam vi-
tæ. — Quóniam.

Lectio viij.

UNA súbvenit indigén-
ti, áltera ibi est, ubi
nullum invenit indigén-
tem. Una aliéna peccáta,
ut sua sibi ignoscántur,
ignóscit : áltera nec páti-
tur quod ignóscat, nec
facit quod sibi poscat
ignósci. Una flagellátur
malis, ne extollátur in
bonis : áltera tanta pleni-
túdine grátiae caret omni
malo, ut sine ulla tenta-
tióne superbiæ cohæreat
summo bono.

R. Iste est Joánnes, qui
supra pectus Dómini in
cœna recúbuit : * Beátus
Apóstolus, cui reveláta
sunt secréta cœlestia.
V. Fluénta Evangélii de
ipso sacro Domínici pé-
ctoris fonte potávit. —
Beátus. Glória Patri. Beá-
tus.

Lectio ix.

Ergo una bona est,
sed adhuc mísera :
áltera mélior, et beáta.
Ista significáta est per
Apóstolum Petrum, illa
per Joánnem. Tota hic
ágitur ista usque in hujus
sæculi finem, et illic inve-
nit finem : différtur illa

complēnda post hujus sæculi finem, sed in futuro sæculo non habet finem. Ideo dicitur huic : Séquere me. De illo autem : Sic eum volo manere donec veniam : quid ad te? tu me séquere. Quid enim est hoc? Quantum sapiō, quantum capio, quid est hoc? nisi tu me séquere per imitationem perferendi temporalia mala : ille maneat, donec sempiterna venio redditurus bona. Te Deum. 20.

AD LAUDES,
et per Horas, Añæ.

1. Valde honorandus est* beatus Joannes, qui supra pectus Domini in cœna recubuit.
2. Hic est discipulus ille,* qui testimonium perhibet de his : et scimus quia verum est testimonium ejus.
3. Hic est discipulus meus : * sic eum volo manere, donec veniam.
4. Sunt de hic stantibus, qui non gustabunt mortem, donec videant Filium hominis in regno suo.
5. Ecce puer meus* electus, quem elegi, posui super eum spiritum meum.

Capitulum. Eccli. xv.

QUI timet Deum, faciet bona : et qui continens est justitiæ, apprehendet illam, et obviabit illi quasi mater honorificata.

Hymnus.

EXsultet orbis gaudiis :
Cœlum resulet laudibus :

Apostolorum gloriam
Tellus et astra concinunt.
Vos sæculorum Jüdices,
Et vera mundi lumina,
Votis precamur cordium :
Audite voces supplicum.

Qui templa cœli clauditis,
Serásque verbo solvitis,
Nos a reatu noxiis
Solvi jubete, quæsumus.
Præcepta quorum protinus

Languor salusque sentiunt ;
Sanate mentes languidas :
Augete nos virtutibus.

Ut, cum redibit Arbiter
In fine Christus sæculi,
Nos sempiterni gaudii
Concedat esse cōpotes.
Jesu, tibi sit gloria,
Qui natus es de Virgine,
Cum Patre, et almo Spiritu,

In sempiterna sæcula.
Amen.

℞. Hic est discipulus ille,
qui testimonium perhibet

de his. ℞. Et scimus quia verum est testimonium ejus.

Ad Benedictus, Añæ. Iste est Joannes, qui supra pectus Domini in cœna recubuit : beatus Apostolus, cui revelata sunt secreta cœlestia.

Oratio.

ECclēsiā tuā Dōmine benignus illustra : ut beati Joannis Apostoli tui et Evangelistæ illuminata doctrinis, ad dona perveniat sempiterna. Per Dōminum.

Deinde fit Commem. de Nativitate.

Añæ. Glória in excelsis Deo, et in terra pax hominibus bonæ voluntatis, allelúia, allelúia.

℞. Notum fecit Dōminus, allelúia. ℞. Salutare suum, allelúia.

Oratio.

Concède quæsumus omnipotens Deus, ut nos Unigéniti tui nova per carnem nativitas liberet : quos sub peccati jugo vetusta servitus tenet.

Postea de S. Stephano.

Añæ. Stéphanus autem plenus grátia et fortitudine, faciebat signa magna in pópulo.

℞. Sepeliérunt Stépha-

num viri timorati. ℞. Et fecerunt planctum magnum super eum.

Oratio.

DA nobis, quæsumus Dōmine, imitari quod colimus, ut discamus et inimicos diligere : quia ejus natalitia celebramus, qui novit etiam pro persecutoribus exorare Dōminum nostrum Jesum Christum Filium tuum. Qui tecum vivit.

AD TERTIAM.

Capitul. Qui timet. ut supra ad Laudes.

℞. br. In omnem terram, * Exiit sonus eorum. In omnem. ℞. Et in fines orbis terræ verba eorum. Exiit. Glória Patri. In omnem.

℞. Constitues eos principes super omnem terram. ℞. Mémores erunt nómīnis tui Dōmine.

AD SEXTAM.

Capitulum. Eccli. xv.

Cibavit illum pane vitæ, et intellectus, et aqua sapientiæ salutáris potavit illum Dōminus Deus noster.

℞. br. Constitues eos principes, * Super omnem terram. Constitues. ℞. Mémores erunt nómīnis tui

Dómine. Super. **G**lória Patri. Constitues.

V. Nimis honoráti sunt amici tui Deus. **R.** Nimis confortátus est principátus eórum.

AD NONAM.

Capitulum. **Eccli. xv.**

IN médio Ecclésiæ apéruit os ejus, et implévit illum Dóminus spíritu sapiéntiæ, et intelléctus, et stolam glóriæ induit eum.

R. br. Nimis honoráti sunt, * Amici tui Deus. Nimis. **V.** Nimis confortátus est principátus eórum. Amici. **G**lória Patri. Nimis honoráti sunt.

V. Annuntiavérunt ópera Dei. **R.** Et facta ejus intellexérunt.

AD VESPERAS.

Añæ et Psalmi de Nativitate. 269.

Capitulum et Hymnus de Laudibus. 286.

V. Valde honorándus est beátus Joánes. **R.** Qui supra pectus Dómini in cœna recúbit.

Ad Magnif. Aña. Exiit sermo inter fratres, quod discipulus ille non móritur : et non dixit Jesus, Non móritur : sed, Sic eum volo manére, donec véniam.

Oratio.

ECclésiám tuam Dómine benignus illustra : ut beáti Joánnis Apóstoli tui et Evangelistæ illumináta doctrinis, ad dona pervéniat sempitérna. Per Dóminum.

Deinde pro sanctis Innocentibus, Aña. Hi sunt, qui cum muliéribus non sunt coinquináti : Virgines enim sunt, et sequuntur Agnum, quocúmque ierit.

V. Heródes irátus occidit multos púeros. **R.** In Béthlehem Judæ civitáte David.

Oratio.

DEus, cujus hodiérna die præcónium Innocéntes Mártyres non loquendo, sed moriendo conféssi sunt : ómnia in nobis vitiórum mala mortífica ; ut fidem tuam, quam lingua nostra loquitur, étiam móribus vita fateátur.

Postea fit Commem. de Nativitate, Aña. Hódie Christus natus est : hódie Salvátor apparuit : hódie in terra canunt Angeli, lætántur Archángeli : hódie exsúltant justi, dicentes : Glória in excélsis Deo, allelúia.

V. Notum fecit Dóminus, allelúia. **R.** Salutáre suum, allelúia.

Oratio.

Concède quæsumus omnípotens Deus, ut nos Unigéniti tui nova per carnem natívitatis líberet : quos sub peccáti jugo vetústa servitus tenet.

Pro S. Stephano, Aña. Sepeliérunt Stéphanum viri timoráti, et fecérunt planctum magnum super eum.

V. Stéphanus vidit cœlos apértos. **R.** Vidit et introívit : beátus homo, cui cœli patébant.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum. Qui tecum vivit et regnat.

